

Resolución da Dirección Territorial da Consellería do Mar na Coruña pola que se actualiza a lista aberta para o incremento do número de cotas de captura para as embarcacións incluídas no plan de xestión do recurso específico PERCEBE, modalidade a pé e dende embarcación, da Confraría de pescadores de Ferrol

Antecedentes

1. O 28.04.2026 esta dirección territorial ditou resolución pola que se actualiza a lista aberta para o incremento do número de cotas de captura para as embarcacións incluídas no plan de xestión do recurso específico PERCEBE, modalidade dende embarcación, da Confraría de pescadores de Ferrol.
2. O 08.05.2026 ditou resolución pola que se comunica o emprego da lista aberta para o incremento do número de cotas de captura para as embarcacións incluídas no plan de xestión do recurso específico PERCEBE, modalidade a pé e dende embarcación, da Confraría de pescadores de Ferrol. Nela estableceuse un prazo de quince (15) días para que as persoas armadoras das embarcacións propostas para o incremento de cotas presentaran a documentación preceptiva.
3. Dentro deste prazo presentaron a documentación as persoas armadoras das embarcacións LOLITA (CFPO 56584) , LUCIA (CFPO 52741) e REPOLO (CFPO 56867), ás que lles foi outorgada unha (1) cota de captura, pasando de ter unha (1) a ter dúas (2). Este outorgamento supón un cambio nas súas puntuacións na lista aberta.
4. Unha vez transcorrido o antedito prazo, non presentaron a documentación as persoas armadoras das embarcacións GARZA (CFPO 56708) e MARIA DEL CARMEN (CFPO 57091), polo que se lles ten por desistidas do outorgamento de cotas proposto e se lles notifica coas correspondentes resolucións emitidas o 02.06.2026.

Consideracións legais e técnicas

1. A Orde do 30 de decembro de 2015 pola que se regula a explotación dos recursos específicos no ámbito da Comunidade Autónoma de Galicia, establece nos artigos 39 a 46 o procedemento para o incremento do número de cotas de captura para as embarcacións incluídas nun plan de xestión. No seu artigo 39 establece un sistema de lista aberta para o incremento do número de cotas de captura para as embarcacións incluídas nun plan de xestión na que a orde de prelación das embarcacións virá determinado pola puntuación obtida trala aplicación do baremo previsto no artigo 43.1.
2. No punto 4 do artigo 39 da Orde do 30 de decembro de 2015, establécese que as listas estarán abertas permanentemente para que as persoas armadoras de embarcacións interesadas incluídas no plan de xestión poidan solicitar a inscrición.
3. As embarcacións admitidas están incluídas no plan de xestión de percebe da confraría de pescadores de Ferrol e cumpren os requisitos establecidos para participar no sistema de listas para o incremento do número de cotas de captura do recurso específico percebe (artigos 41 e 42 da Orde do 30 de decembro de 2015).

Dirección Territorial da Coruña
Rúa Ramón y Cajal, 2 5º andar (Casa do Mar)
15006 A Coruña
Tel.: 981 182 000
departamentoterritorial.mar.coruna@xunta.gal





4. As solicitudes presentadas valoráronse de acordo co establecido no anexo I (epígrafes A e C) da Resolución do 4 de maio de 2016, da Dirección Xeral de Desenvolvemento Pesqueiro, modificada pola Resolución do 18 de maio de 2020. Este baremo inclúe ou outorgamento de cinco (5) puntos para as embarcacións que contén cunha (1) soa cota de captura.

5. No caso de que se efectúe a transmisión do permiso de explotación dunha embarcación inscrita na lista, a embarcación causará baixa nesta. Para a súa inclusión, a nova persoa armadora deberá presentar unha nova solicitude de inscrición na lista ao obxecto de actualizar os méritos para a nova persoa armadora no momento en que se autorice a transmisión do permiso de explotación.

6. Esta dirección territorial é o órgano competente para a elaboración e o control das listas, así como para a súa actualización e para comunicar o seu emprego de conformidade co establecido na sección 4ª do capítulo III e o artigo 52 da Orde do 30 de decembro de 2015, pola que se regula a explotación dos recursos específicos no ámbito da Comunidade Autónoma de Galicia.

De acordo con todo o anterior,

RESOLVO:

1. Actualizar a lista aberta para o incremento do número de cotas de captura para as embarcacións incluídas no plan de xestión do recurso específico PERCEBE, modalidade a pé e dende embarcación, da confraría de pescadores Ferrol e publicala, xunto coa puntuación provisional das embarcacións ás que se lles modifica, no Anexo I desta resolución.

2. Contra a puntuación provisional das embarcacións ás que se lles modifica (LOLITA VI-3 1973, LUCIA VI-4 5521 e REPOLO FE-4 2-93) as persoas interesadas poderán presentar alegacións no prazo de 15 días hábiles, contados a partir do seguinte ao da publicación desta resolución, ante a Dirección Territorial da Coruña da Consellería do Mar. As alegacións non se contestarán expresamente de xeito individualizado, aínda que, de ser o caso, si se terán en conta para a puntuación definitiva.

A presente resolución publicarase na páxina web <http://www.mar.xunta.gal>. Tamén se exporá, con carácter informativo, no taboleiro da xefatura comarcal da Consellería do Mar de Ferrol e da confraría de pescadores de Ferrol.

Esta resolución notifícaselle á confraría de pescadores de Ferrol consonte ao artigo 40 e seguintes da Lei 39/2015, de 1 de outubro.

A directora territorial
María José Cancelo Baquero





ANEXO I: Lista aberta para o incremento do número de cotas de captura para as embarcacións incluídas no plan de xestión de Percebe da Confraría de pescadores de Ferrol

Embarcación	Matrícula Folio	Embarcación cunha soa cota de captura C.1	Experiencia profesional persoa armadora C.2	Habitualidade da actividade pesqueira C.3	Total
MARIA DEL CARMEN	FE-4 1863	5,00	0,00	3,00	8.00
GARZA	VI-5 10129	5,00	1,20	1,00	7.20
MOU	FE-4 1-17	0,00	3,00	2,00	5.00
SANDRA	FE-4 3063	0,00	4,00	0,00	4.00
LUCIA	VI-4 5521	0,00	0,00	3,00	3.00
ARTABRA	FE-4 3056	0,00	1,80	1,00	2.80
LEONOR	FE-4 1340	0,00	2,00	0,00	2.00
ANA MARIA*	FE-4 2310	0,00	0,00	0,00	0.00
LOLITA*	VI-3 1973	0,00	0,00	0,00	0.00
REPOLO*	FE-4 2-93	0,00	0,00	0,00	0.00

*Para as embarcacións que figuran empatadas con 0,00 puntos, a orde na que se amosan é simplemente alfabética e non supón ningunha prioridade. No caso de ser necesario, previamente a unha oferta de cotas ás ditas embarcacións, o empate resolverase por sorteo en presenza das persoas afectadas pola dita situación.

Os epígrafes de cada columna son: (de acordo co apartado C do anexo I da Resolución do 4 de maio de 2016, da Dirección Xeral de Desenvolvemento Pesqueiro, pola que se aproba o baremo para acceder ás modalidades de recursos específicos no permiso de explotación das embarcacións, así como para elaborar as listas e actualizar os méritos para o incremento do número de cotas de captura para as embarcacións incluídas nun plan de xestión de recursos específicos, modificada pola Resolución do 18 de maio de 2020, da Dirección Xeral de Desenvolvemento Pesqueiro)

- **TOTAL:** puntos acadados en total.
- **C.1: Embarcacións que só teñen unha cota de captura no plan de xestión: 5 puntos.**
- **C.2: Experiencia profesional no sector da persoa armadora da embarcación.**
Terase en conta que a persoa armadora estivese enrolada como percebeira (con acreditación) en embarcacións que contan coa modalidade nos 2 anos anteriores á data da convocatoria: 0,2 puntos/mes completo. Para as embarcacións que solicitan a inscrición na lista, unha vez confeccionada, entenderase nos 2 anos anteriores á data da entrada da súa solicitude no Rexistro electrónico da Xunta de Galicia.
A puntuación máxima total que se poderá obter nesta epígrafe será de 4 puntos.
- **C.3: Habitualidade da actividade pesqueira.**
 - Se a embarcación acredita ter realizado actividade extractiva entre 15-35 % dos días que foron efectivamente autorizados para a extracción dentro do plan de xestión do ano natural inmediatamente anterior: 1 punto.
 - Se a embarcación acredita ter realizado actividade extractiva entre 35,01-60 % dos días que foron efectivamente autorizados para a extracción dentro do plan de xestión do ano natural inmediatamente anterior: 2 puntos.
 - Se a embarcación acredita ter realizado actividade extractiva superior a un 60,01 % dos días que foron efectivamente autorizados para a extracción dentro do plan de xestión do ano natural inmediatamente anterior: 3 puntos, Para as embarcacións que solicitan a inscrición na lista, unha vez confeccionada, entenderase o ano natural inmediatamente anterior á data da entrada da súa solicitude no Rexistro electrónico da Xunta de Galicia.
A puntuación máxima total que se poderá obter nesta epígrafe será de 3 puntos.

